

罪
惟
錄

一
五

耳

竹

碑

耳

罪惟錄志卷之十四

漕志摠論

漕與屯相表裏屯獲一鍾可省漕二十鍾昔人言之矣夫此一粒督之司之征之貯之囊之艦之棹之趨之開之交之納之給諸費已不勝紀而加以崩覆之患侵剋之患影射之患額例之患加貼之患浮濫之患靡漏之患其弊又皆足以罄產絕戶而尚未已產盡而糧額猶存戶耗而代賠無既此猶明知為漕之故也若夫治河每至浪金錢無算斃夫役無算設官每至飽吏胥無算恣漢獵無算此是無漕之名而無不以漕之所係曷一力于屯以稍減漕之

困乎而胡明初憐憐以之卒無竟其義者初用海運奉差
之日與親友訣子孫生祭以行而內漕即無死喪之患民
運累民改官運運不勝仍累民民願自累不煩官情抑苦
矣若夫豪民營脫宿保乾沒健吏烹肥種種不一賄賂情
面不得不開風俗人心日就蠱壞漕之為累詎忍言哉而
況食必者未必填可食之腹未必輸應食之所未必稱急
食之時邊呼而不聞藩饑而不塞珠玉供之泥沙委之食
寡用舒二義解之者何人矣

漕志

明運糧法三變。一海運。一水陸並運。一漕運。洪武初、蘇松
浙江運船由海道至直沽。又從登州新河運至遼東。是為
海運。永樂九年、開會通河。海運初用遮洋船。十三年、增造淺
船三千餘隻。罷海運。遮洋船其六分之一入天津倉。餘從
直沽海運至薊州。內運則越江由淮入河。抵陽武。陸運至
衛輝。沿衛沂潞水運至通州。是為水陸並運。十三年、竟行漕
運。而漕又四變。一支運。一兌運。一改兌。初民運至
淮。徐臨德四倉。軍船接入京通。是為支運。永樂十二年、以
平江伯陳瑄議、蘇州等處及徐兗送濟寧倉。河南山東送

臨清倉、浙江并直隸官軍自淮安運至徐州、京衛官軍于
徐州運至德州、山東河南官軍于德州運至通州、一年四
轉、是為轉運、永樂中、民運至瓜淮、補給腳費、兌與運軍領
運、是為兌運、宣德八年、從叅將胡亮議、江浙湖廣江南船
各回附近水次領兌、南京江北船于江淮領兌、其淮徐臨
德諸倉、仍支兌十之四、蘓松等船、各就本司府領兌、不盡
者、仍于瓜淮領兌、其北邊一帶、如河南彰德于小灘、山東
濟南州縣于濟寧、其餘水次、倣此、正統七年、詔南京造遮
洋船、由海道運糧至薊州、成化七年、都御史滕昭議罷瓜
淮、交兌、袁河官軍將江船于江南水次交兌、民加過江之

費視遠近為差。十年議淮徐臨德四倉支運糧七十萬石。改就水次兌軍。是為改兌。

漕屬七大藩。遠者五千餘里。江以南居十之七。自上江者入儀真。自下江者入瓜洲。並達淮南為南河。由黃河達豐沛為中河。由山東達天津為北河。凡海運最忌秋風。定二月入遼。三月回空。河運自宿遷則恐徐邳涇。由豐沛則恐隄易壞。按洪武三十年海運赴遼七十萬石。零永樂五年海運六十五萬石。零十二年北京五十萬石。由衛河通州四十萬石。由海道十六年以會通河成。內運四百六十萬石。宣德中五百餘萬石。正統中四百五十萬石。景泰中

四百九十萬石。天順中四百三十餘萬石。成化中四百餘萬石。又江南蘓松常嘉湖白糧十八萬石。大約漕船一萬二千一百四十三隻。袁河淺船遮洋船十年一造。江南船皆五年一造。後官軍十二萬有奇。嘉靖四十五年始通天津海運。轉漕永平。隆慶六年督漕王宗沐以漕道淤塞。條上海運七事。請自太倉嘉定而北。自淮南而東。引登萊以泊天津。如議行。崇禎中漕米額數南直共一百七十六萬四千四百石。浙江江西湖廣山東河南五省共一百七十九萬八千八百六十五石零。通共三百五十六萬二千二百六十五石零。

歷朝治漕績最著者陳平江瑄、宋尚書孔、夏忠靖、朱吉、周文襄忱、潘尚書季馴、徐武功有貞、劉尚書大夏共七人。

洪熙中許附帶什物以卹運官、成化中許帶土儀免稅課弘治中許每船附帶不得過十石、正德中准餘米置買弓箭、嘉靖中許每船帶上儀四十石、隆慶中每附帶臨青城磚四十八塊、萬曆中由儀真關每帶光祿寺應用酒瓶三十個、尋許浮帶米六十石以脩軍旗撥淺。

凡奉差督漕洪熙中以總兵官兼鎮守、宣德中以工部尚書掛督漕之印、尋又以右左副總兵同管、或以叅將兼管、景太中以左右僉都御史為提督漕運、自王祐始、後以為。

例。

按洪武中不止海運。初命航海虞張赫。皆江陰衛官軍八萬
二千餘運米遠東。比二十一年事。閏五年。又命崇山虞李新。
督視有司。開贍脂河。且諭之曰。江南賦稅水運。丹陽登陸。
轉輸甚勞。去江上流。度船可慮。欲自裁。向疏鑿河流。使
轉者不勞。商旅獲便。尔其董之。預金陵取道。易若邊餉。
寧遂不賴。江南一粒乎。而北漕未聞。遂及三十年。有渝海運。
且停止。

罪惟錄志卷之十五

班爵志總論

周亂臣十有婦人焉。或曰歸字之說也。而同姓者居第一。明肇宋林兗則劉福通毛貴杜遵道羅文素等早已閭亂。臣之數而明子王以下皆治臣。何則周以前無亂商者。不可不言亂元末當陳張方明諸反側寔已亂之故。明之臣專主於治。蓋治臣亦十寧陵麗江濟六王而八比之冀望諸公。除歸人如胡廷瑞宋亮祖李思齊何真納哈出等。不止一人。較有二之遺更烈。若燕王者。自擬周公。則治臣中亦當以同姓居第一。讀鳩鶚之詩。桑土綢繆乃有室家。按

戊申以前燕幼不任然明造克輩寔自北平戶牖不綢繆
金陵有悔豈真方黃可辦負臬與靖難志節分而功則一
也請以成王安在四字推之假如金勝之禱不驗國賴長
君負宸寧不自予可令管蔡或染指其間乎假如風雷之
悟不早孺子許管蔡東鉞專征指稱君側旦上袖手盡手
抑阻兵偷息也故曰明有治臣十人燕王棣與焉預十亂
之後傳世寢微止一召虎以武略大著明定國黔國而外
亦不數上也天欲易燕之造明則假手胡藍盡其故舊而
河間東平等遂以七戰而定下此昌平武清等稍見逐北
昭武文安等多出偉門及其季也汨沉逋竄影响傳聞盡

乖成制。私樹邊方。至于勲封。與死為隣。而恩澤之衰。率求
為匹夫。不可得。難易得失之故。豈人所得為之哉。按鴻猷
錄。稱馬傅之罪莫稽。又云。功小者得世襲。指揮以下無數。
而公侯之世早折。是功大之報反。嗇於其小者。豈居功未
善。抑位高而招損歟。然亦列朝之所宜察也。弘光中。追復
位號。嚴補贈謚。差愜百世公論。然據諸封重。如似亦考核
未詳。中山初封。東甌進封。皆信國公。或有別見。若忠勤伯
二人。一洪武中汪廣洋。一洪熙中李賢。新建伯二人。一宣
德中李玉。一嘉靖中王守仁。外戚安平伯二人。一景泰中
母家吳安。一嘉靖中孝烈皇后父方銳。是豈無成冊可驗。

而味也若此蓋謚可復而封則易代始有復者

二八一共方中王黃平一
林籍中山味佳東增北桂
山發蕭解郭美新自無不
香昨昨昨昨昨昨昨昨昨
而小者之出早昨吳昨大
松蘇直斬之罪莫蘇之云也
焉云夫不下不味謙恭吳中
非通傳深蘇並不王行曠佳
興元為朝兩思華山東平味

班爵志

歷朝文武封爵贈爵改封及追謚卅封除封

開國武功

徐達封信國公、改魏國、卒贈中山王、謚武寧、子輝祖、死遜國、次子增壽、死靖難、追封陽武侯、進封定國、以兩公世封、弘光初、謚輝祖忠貞、

常遇春封鄂國公、卒贈開平王、謚忠武、子茂、改封鄭國、除、次子昇、改封開國、死遜國、除、弘治中、錄後錦衣指揮使、嘉靖中、繼絕、改封玄振、懷遠侯、

李文忠封曹國公、卒贈岐陽王、謚武靖、子景隆、降燕、除、嘉

清中繼絕性臨淮侯

鄧愈封衛國公卒贈寧河王謚武順子鎮改封申國弘治中錄後錦衣指揮使嘉靖中繼絕繼坤定遠侯

湯和封中山侯進封信國公卒贈東甌王謚襄武弘治中錄後錦衣指揮使嘉靖中繼絕紹宗靈璧侯

馮勝封宋國公不終弘光初追贈寧陵王

傅友德封潁川侯進封潁國公不終弘光初追贈麗江王藍玉封永昌侯進封涼國公不終坐黨首

沐英封西平侯卒贈寧海王謚昭靖子晟封黔國公宣德中南征卒贈定遠王謚忠敬晟弟昂平蠻贈定西伯謚武襄

胡顯征蠻封梁國公除

廖永忠封德慶侯不終弘光初追贈慶國公謚忠勇父旺

追贈涼國公孫鏞死遜國弘光初追贈祖封德慶侯

俞通淵封越雋侯死遜國弘光初追贈雋國公謚襄烈

俞通源封南安侯不終

郭興封鞏昌侯卒贈陝國公謚宣武

郭英封武定侯歸燕卒贈營國公謚威襄孫登景泰中固

邊封定襄伯天順中除弘治中復爵進侯卒謚忠武傳

孫勛議禮進封翊國公世侯

華高封廣德侯卒贈臬國公謚武莊除